

ԱԿԱԴԵՄԻԿՈՍ ՀՐԱՆՏ ԱՎԵՏԻՍՅԱՆ  
(Ծննդյան 75-ամյակի առթիվ)

Լրացավ ՀՀ ԳԱԱ իսկական անդամ, վաստակաշատ պատմաբան, պատմ. դիտ. դոկտոր, պրոֆեսոր, ԳԱԱ պատմության ինստիտուտի տնօրեն Հրանա Ալեքսանի Ավետիսյանի ծննդյան 75 և աշխատանքային-հասարակական գործունեության 55 տարին:



Հ. Ավետիսյանը ծնվել է 1927 թ. մարտի 10-ին Նախկին Ղարաքիլիսայում (այժմ Վանաձոր) Կարսից գաղթած ավանդական հայ ընտանիքում:

1944-ին միջնակարգ դպրոցն ավարտելուց հետո Նույն տարին էլ ընդունվեց Երևանի պետական համալսարանի պատմության ֆակուլտետը, իր ապագա մասնագիտությունն ընտրելով հարադատ ժողովրդի պատմությունը: 1949-ին համալսարանն ավարտելուց հետո սկզբից անցավ կոմերիտական, ապա 1952-ից կուսակցական աշխատանքի: Ասկայն նրա հիմնական աշխատավայրը Գիտությունների ազգային ակադեմիան էր, որի հետ կապեց նա իր ողջ դիտակցական կյանքը: 1954-ից մինչև օրս, սկզբում տարբեր պաշտոններ վա-

րելով ԳԱԱ նախագահության համակարգում, իսկ 1979-ից ստանձնելով ԳԱԱ պատմության ինստիտուտի տնօրենի պատասխանատու գործը:

Գիտության մեջ նոր ոտք դրած երիտասարդը հետազոտության թեմա դարձրեց 1918-1920 թվականները մեր ժողովրդի պատմության բախտորոշ տարիները: 1918-ին էլ XX դ. մեր Ավարայրը, մեր ժողովրդի գոյամարտը՝ Աարդարապատի, Ապարանի և Ղարաքիլիսայի հերոսամարտերը: Նույն 1918-ին էլ մեր ժողովրդի դարավոր իղձի իրականացումը՝ հայ պետականության վերականգնումը, Առաջին Հանրապետության ծնունդը: Հ. Ավետիսյանի թեկնածուական (1960 թ.) և դոկտորական (1966 թ.) ատենախոսությունները վերաբերում էին հենց այդ շրջանի Անդրկովկասի և Հայաստանի երիտասարդության պատմության ուսումնասիրությանը: Հայերեն և ռուսերեն հրատարակված մի շարք մենագրություններում, շրջանառության մեջ մտցնելով պատկառելի քանակի արխիվային վավերագրեր,

Ավետիսյանն ստեղծեց Անդրկովկասի երիտասարդական կազմակերպութ-  
յունների կազմավորման լիակատար պատկերը, մոռացության մշուշից հա-  
նելով և ընթերցող լայն հասարակությանը ծանոթացնելով հայրենանվեր  
գործիչների մի հոյակապ աստղաբույլի գործունեություն մանրամասնե-  
րին: Ուշագրավ է, որ այդ աշխատություններում հեղինակն օգտագործում  
է նաև Կոմիտեերնի նյութերը:

Անցնում էին տարիները, իրենց հետ բերում խոհականություն, հավա-  
սարակչոված չափանիշներ, սակայն անփոփոխ էր մնում հեղինակի հե-  
տաբերությունների և հետադոտությունների շրջանը: Ղարաբաղյան  
շարժումը և դրան հաջորդող անցումային շրջանը Հ. Ավետիսյանին պար-  
տադրեցին իրենց հրամայականը՝ սթափ հայացք մոտակա անցյալի պատ-  
մական դեպքերին և իրադարձություններին: Իրար էին հաջորդում գիտա-  
կան պարբերականներում լույս տեսնող հոդվածները Մայիսյան հերոսա-  
մարտերի և դրանց մոռացված հերոսների, Լեռնային Ղարաբաղը Ադրբե-  
ջանին ընկալելու և մեծ հետաքրքրություն ներկայացնող այլ իրադար-  
ձությունների մասին: Սակայն գիտական հոդվածները նրան չբավարարե-  
ցին: 1993-ին ռուսերեն լույս տեսավ «Բրեստ-Լիտովսկ. ինչպես ընկալե-  
ցին թուրքիային Կարսը, Արդահանը, Բաթումը» աշխատությունը: Ար-  
խիվային փաստառատ հենքի վրա ստեղծված այդ աշխատությունը մեր  
պատմության մոտակա անցյալի մշուշում խնամքով քողարկված «սպի-  
տակ ըծերից» մեկի հմուտ լուսաբանումն է: Ժամանակի իրադարձություն-  
ների ֆոնի վրա վերակենդանանում է խորհրդային պատվիրակության ան-  
դամների գիվանագիտական անկարողությունը, երբ առաջին աշխարհա-  
մարտում պարտված թուրքիան իր պահանջներն էր առաջադրում Խորհր-  
դային Ռուսաստանի պատվիրակությանը: Խորհրդային պատմաբանները  
բացմիցս անդրադարձել էին Բրեստ-Լիտովսկի բանակցություններին,  
դրանց ընթացքը լուսաբանել օր առ օր, ժամ առ ժամ, բայց երբեք չէին  
անդրադարձել մեր ժողովրդի համար այդքան ողբերգական և օրհասական  
պայմանագրի հոդվածներին: Հրանտ Ավետիսյանն իր առաջ դրեց հենց  
այդ խնդիրը և կատարեց գերազանց: Բրեստ-Լիտովսկի բանակցություննե-  
րի ուսումնասիրությունը հեղինակի առաջ բացեց նոր հորիզոններ, ընդ-  
լայնվեցին նրա հետադոտության շառավիղները: Գիտնականը ձեռնամուխ  
եղավ նոր աշխատության ստեղծման՝ «Հայկական հարցը 1918 թ.» խո-  
րագրով, ուր վերը նշված մենագրությունը դարձավ այս նոր հետադո-  
տության մեկ գլուխը: Այս աշխատության մեջ Հայկական հարցը քննարկ-  
վեց ոչ միայն Բրեստ-Լիտովսկի, այլև Տրապիզոնի և Բաթումի բանակ-  
ցություններում, բացահայտվեց Հայոց Ազգային խորհրդի և ՀՀ պատվի-  
րակության գործունեությունը Բեռլինում, Կ. Պոլսում, Վիեննայում և այդ  
հետնախորքի վրա գնահատվեց Ռուսաստանի, Գերմանիայի, Ավստրո-  
Հունգարիայի կառավարությունների դիրքորոշումը Հայկական հարցի  
նկատմամբ: Աշխատության մեջ օգտագործված են Հայաստանի, Մոսկվա-  
յի, Վիեննայի և Բուգապեչտի արխիվների մեծ քանակությամբ նորահայտ  
և առաջին անգամ հեղինակի կողմից շրջանառության մեջ դրված վավե-  
րագրեր: Երկու աշխատություններն էլ արժանացան գիտական հասարա-  
կայնության բարձր գնահատականին: Բայց Ավետիսյանը չհանգստացավ:

Նա զգում էր, որ պարտք ունեւր կատարելու հարազատ ժողովրդի առաջ: 1998-ին լույս տեսավ մի նոր աշխատութիւն՝ «Հայոց ազգային միասնութեան հաղթանակը» խորագրով: Թվում էր, կարճ ժամանակ էր անցել նախորդ մենագրութիւնից և հնարավոր չէր գրել նոր աշխատութիւն: Բայց անդամ թռուցիկ ծանոթութիւնը ցույց է տալիս, որ հեղինակը դրա վրա աշխատել է շատ երկար: Իբրև ներածութիւն՝ աշխատութեան մեջ ներկայացված է մի հետաքրքիր բաժին, ուր ներկայացված է ռուսական բանակում ծառայած հայ բարձրաստիճան զինվորականների մի հոյակապ փաղանգ: Նրանց թիվը բավական պատկառելի է: Շատերի անունները առաջին անգամ են հայտնի դառնում ոչ միայն ընթերցողին, այլև գիտական շրջանակներին: Գիրքը հայրենասիրութեան մի յուրահատուկ դաս է մեր երիտասարդ սերնդին, հայկական բանակի կազմավորման գործընթացի քննարկումը հայկական առանձին կորպուսից սկսած, մինչև մայիսյան հերոսամարտերը, հայոց ազգային բանակի և Առաջին Հանրապետութեան ծնունդը:

Ձընգհատվող աշխատանքը տարբեր արխիււներում, նոր վավերագրերի հայտնաբերումը, նոր մտահղացումների և հետազոտութիւնների սկիզբ դարձան: Պատմաբանը աշխատանքներ է սկսել նոր մենագրութիւն ստեղծելու ուղղութեամբ: Ամենայն հավանականութեամբ այն կլինի «Հայկական հարցը 1919 թվին»:

Վաստակաշատ հորեյարը մենագրութիւններից բացի վերջին տարիներին հրատարակել է գիտական բազմաթիւ հոգւածներ, ուշագրավ և հետաքրքիր զեկուցումներով հանգես եկել միջազգային մի շարք գիտաժողովներում, աշխարհի գիտական հասարակութեան ուշագրութիւնը հրավիրել մեր ժողովրդի պատմութեան կնճռոտ հիմնահարցերի վրա: Մայնի-Յրանկֆուրտում, Մադրիդում, Կալիֆոռնիայում, Տուրինում, Մոսկուայում, Թբիլիսիում հնչել են Հրանտ Ավետիսյանի հետաքրքիր զեկուցումները հայ-գերմանական, հայ-իտալական, հայ-հունգարական, հայ-ռուսական, հայ-վրացական հարաբերութիւնների մասին աշխույժ քննարկումներ և դրական արձագանքներ առաջացնելով: Այդ զեկուցումները և խիստ ուշագրավ հոգւածները («Կովկասյան տուն և համաթրքութեան նկրտումների հարցի շուրջը», «Կովկասյան հանրապետութիւնների կոնֆեդերացիայի գաղափարը 1918-1920 թթ.») լույս են տեսել առանձին ժողովածուներում. 1997-ին՝ Մոսկուայում, ռուսերեն, 1998-ին՝ Լոնդոնում, անգլերեն, Թբիլիսիում և Բուդապեշտում՝ դարձյալ ռուսերեն: Այդ հոգւածները գիտնական-քաղաքացի Հրանտ Ավետիսյանին բնորոշ երևույթներ են: Ամենուրեք, միջազգային դիտական բարձր ամբիոններում նա պաշտպանում է իր ժողովրդի դատը, շեշտում պատմական ճշմարտութիւնը:

Գիտահետազոտական աշխատանքին զուգահեռ Հրանտ Ավետիսյանը կատարում է եռանդուն մանկավարժական աշխատանք հանրապետութեան տարբեր բուհերում: Երկար տարիներ նա հայ ժողովրդի պատմութիւն է դասավանդել և շարունակում է իր հայրենանվեր առաքելութիւնը երևանի պետական համալսարանում ու Հրաչյա Աճառյանի անվան համալսարանում: Հանրապետութեան ակնառու պատմաբաններից շատերը նրան

Համարում են իրենց ուսուցիչը, բարձր գնահատում նրա հոգատար հայրական վերաբերմունքը երիտասարդ ուսանողների, նաև հայ ժողովրդի պատմությունը իրենց մասնագիտությունը դարձրած, գիտություն մեջ առաջին քայլերն անող ասպիրանտների նկատմամբ:

Խիստ թերի կլիներ Հրանտ Ավետիսյանի քաղաքացու և գիտնականի դիմապատկերը, եթե գեթ հպանցիկ չնշվեր այն պատկառելի աշխատանքը, որ կատարել և շարունակում է կատարել նա 1979-ից ի վեր մինչև օրս իրրև ՀՀ ԳԱԱ պատմության ինստիտուտի տնօրեն: Անցումային այս ծանր շրջանում, երբ ակադեմիական համակարգի ինստիտուտներից շատերը ճգնաժամ են ապրում, իր տնօրենի գործադրած անդուլ ջանքերի շնորհիվ պատմության ինստիտուտն ապրում է խաղաղ ստեղծագործական կյանքով, համալրվում երիտասարդ գիտաշխատողներով: Ինստիտուտի գիտաշխատողների հեղինակությունը հրատարակվում են բազմաթիվ ուսումնասիրություններ: Այսօր ինստիտուտում աշխատում են ԳԱԱ 8 իսկական անդամ, պատմագիտության 34 դոկտոր և 49 թեկնածու: Ինստիտուտի կոլեկտիվը մեծ ներդրում ունեցավ հայ ժողովրդի պատմության դպրոցական դասագրքի 4 մասերի ստեղծման գործում: Ինստիտուտի բազմաթիվ գիտաշխատողներ եռանդուն մասնակցեցին Քրիստոնեությունը Հայաստանում պետական կրոն հռչակելու 1700-ամյակին նվիրված միջազգային և Հայաստանյան գիտաժողովներին: Շատ գիտաշխատողներ շարունակում են աջակցել և մասնակցել Օշականի դպրատանը անցկացվող ամենամյա «Մաշտոցյան ընթերցումներին»: Տնօրենի համառ և հետևողական աշխատանքի շնորհիվ ինստիտուտում տիրում է ստեղծագործական մթնոլորտ: Ձնայած 75-ամյա տարիքին Հրանտ Ավետիսյանը լի է եռանդով և իր օրինակով վարակում է բոլորին: Նրա մեջ միահյուսվել են Մարդը, տաղանդավոր գիտնականը, գիտության հմուտ կազմակերպիչը և Քաղաքացին: Նրա բնավորության մեջ խիստ ներդաշնակությունը համատեղվում են ծնողներից ժառանգած կարսեցու խստությունը, համառությունը և պահանջկոտությունը լուռեցու անհուն բարություն և լիրիկական հոգու հետ: Նա մի սկստակառելի դիտական կոլեկտիվի նահապետն է, ղեկավար և պատասխանատվության մեծ զգացումով օրինակ բոլորի համար:

Ցանկանք մեր հոբելյարին երկար տարիների կյանք, առողջություն, կանաչ ճանապարհ և անամպ երկինք, բեղուն գրիչ, նոր աշխատություններ և հողվածներ՝ ի փառս մեր ժողովրդի:

ԷՄՄԱ ԿՈՍՏԱՆԴՅԱՆ